

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0055646 24
Zenica, 30.01.2025. godine

OPĆINSKOM SUDU U TEŠNJU
-Sudiji za prethodno saslušanje-
T E Š A N J

Na osnovu odredbe člana 45. stav 2. tačka i) i odredbe člana 241. stav 1. Zakona o krivičnom postupku F BiH, p o d i ž e m

O P T U Ź N I C U

Protiv:

E. T., neosuđivan,

što je:

dana 29.10.2023. godine oko 13,00 sati, na području općine D., krećući se magistralnim putem M-4 u mjestu M., upravljajući putničkim motornim vozilom marke „Golf VI“ reg. oznaka ..., vozio neoprezno i nedovoljno pažljivo, jer je svojim vozilom započeo radnju skretanja u lijevu kolovoznu traku, ne uvjerivši se da je takva radnja bezbjedna po ostale učesnike u saobraćaju, na način da nije propustio motocikl koji je već bio u lijevoj saobraćajnoj traci u fazi preticanja, dakle postupao suprotno odredbi člana 39. stav 1. i 2. Zakona o osnovama bezbjednosti saobraćaja na putevima u BiH ("Službeni glasnik Bosne i Hercegovine", br. 6/2006, 75/2006, 44/2007, 84/2009, 48/2010, 18/2013, 8/2017, 89/2017 i 9/2018), iako je bio svjestan da uslijed takve vožnje može nastupiti štetna posljedica, ali je olako držao da će istu izbjeći ili moći spriječiti, pa je na taj način ugrozio javni saobraćaj i doveo u opasnost život ljudi i imovine, te je svojom prednjom lijevom stranom ostvario kontakt sa motociklom marke „H..“ reg. oznaka ... kojim je upravljao M. M., uslijed kojeg kontakta je vozač motocikla pao na kolovoz, pri tome zadobivši teške tjelesne ozljede u vidu iskrvarenja u grudne šupljine zbog mnogobrojnih obostranih razdora oba plućna krila, iskrvarenja u trbušnu šupljinu zbog razdora slezene, zbog razdora i nagnječenja meko-tkivnih struktura zatrbušja, uslijed kojih ozljeda je istoga dana u 18,23 sati preminuo u bolnici u D.,

dakle, kao učesnik u saobraćaju na putevima, ne pridržavajući se saobraćajnih propisa ugrozio javni saobraćaj i time kod drugoga prouzrokovao smrt jedne osobe,

čime je počinio krivično djelo teška krivična djela protiv bezbjednosti javnog saobraćaja iz člana 336. stav 4. u vezi člana 332. stav 3. u vezi sa stavom 1. KZ F BiH.